



Asirciziu d'appiicazione

Ogettivi pedagogichi

Capacità messe in ballu :
sapè leghje un grafficu ; sapè cunverte l'unità di lunghezze è di durata.

Cumpitenze messe in ballu : circà, calculà, cumunicà.


Aiacciu o Bastia ?

Enunciatu


Durante un scontru spurtivu trà Aiacciu è Bastia, dui sustinidori si liticanu à puntu di u clima di e so cità. Pratende u Bastiacciu ch'ellu piove assai menu in a so cità cà in Aiacciu è ch'ellu ci hè assai di più sole in Bastia. L'Aiaccinu dice propiu u cuntrariu. Pruvemu ghjà à truvà u veru, cù issi graffichi tracciati da Météo-France.

1. E pricipitazione

Cumuli misinchi di e pricipitazione in Aiacciu.



Cumuli misinchi di e pricipitazione in Bastia.




- Chì significheghja “cumulu misincu” di pricipitazione ?
- In chì unità vanu spressi i cumuli di pricipitazione ?
- Qualesu hè statu u mese u più bagnatu in Aiacciu ?
- Qualesu hè statu u mese u più bagnatu in Bastia ?
- Quantu ci hè statu millimetri d'acqua piuvana in Bastia di marzu ?
- Quantu ci hè statu millimetri d'acqua piuvana in Aiacciu di sittembre ?
- Saranu vere o false e frase sottu quì ? Ghjustificate a vostra risposta.
 - À u mese d'ottobre, hè falatu più di 12 cm d'acqua piuvana in Bastia.
 - À u mese di sittembre, hè falatu 60 mm d'acqua piuvana in Aiacciu.
 - Di sittembre, ottobre, nuvembre è dicembre, u cumulu di pricipitazione hè statu più altu in Bastia cà in Aiacciu.




Aiacciu o Bastia ?

2. L'assuliera

L'assuliera in Aiacciu.



L'assuliera in Bastia.



- Qualesu hè u mese u più assuliatu in Aiacciu ?
- Qualesu hè u mese u più assuliatu in Bastia ?
- Quantu ci hè statu ore di sole in Aiacciu di ghjugnu ?
- Quantu ci hè statu ore di sole in Bastia di farraghju ?
- Qualesi sò i mesi ch'ellu ci hè statu più ore di sole in Aiacciu cà in Bastia ?
- L'assuliera à l'annu di a cità d'Aiacciu hè in media di 2 726 ore. À quantu ghjorni currisponderà ?
- In media, l'assuliera à mese in Bastia hè di 215 ore. À quantu ghjorni di sole à l'annu currisponde ?

In fatta fine, quale hà a ragiù, l'Aiaccinu o u Bastiaciu ?



© SC Bastia

Lessicu

Sustinidore : supporter.

Pricipitazione : insieme di l'acque falate da u celu (piuvite, grandina, neve).

Bagnatu : un mese bagnatu hè un mese chì ci hè piuvitu assai.

Assuliera : tempu ch'ellu luce u sole.

Acqua piuvana : acqua di e piuvite.

Spresu : *exprimé* (participiu passatu di *sprime*).